

四庫全書

史部

欽定四庫全書

平定兩金川方略卷八十七

正月乙亥豐昇額奏言

臣

於初六日派兵分隊先

令五岱等領兵三千前進

臣

豐昇額同書麟等帶

兵二千由卓克采起程官兵爭先奮往於初八日

俱抵薩爾赤鄂羅山即將南面雪山佔據

臣

等詳

審隘要於孟拜拉山梁及薩爾赤鄂羅之雪山梁
上分別留兵駐守旋據阿桂處遣侍衛納木扎來

營稟稱阿將軍派兵二千來此隨攻定於明日可
到至初九日侍衛伊達里常保住帶兵到營_臣等
當統率官兵攻開要隘奏入

上諭軍機大臣曰豐昇額奏佔據薩爾赤鄂羅山頂并
納木扎帶兵二千前來足供會勦覽奏欣慰豐昇額
所佔山梁及經由路徑并納木扎等由阿桂軍營至
凱立葉之路皆係金川通連要隘賊人忽不設防官
軍如入無人之境且既佔據山梁從此進攻凱立葉

由上而下其勢甚易自當迅期得手是此次所覓進
兵捷徑阿桂一路既甚妥協其明亮一路馬奈馬爾
邦路頗平坦亦可易於攻克較之上年攻勦噶爾
拉當噶爾拉之路應不啻事半功倍惟盼尅期奏績
數日內即得捷音

同日豐昇額奏言查臣前在丹堪時詳察進兵道
路作固頂山勢極高必須佔據此山之頂始能下
壓穆爾津岡而穆爾津岡尚有康巴達等處由彼

前進仍須取道於凱立葉山腰方抵勒烏圍巢穴
若由丹埵前進必經依噶齊達斯噶達拉達等處
始抵凱立葉山坡嗣接阿桂來札令臣進攻凱立
葉臣復密加詢訪若由依噶齊達斯噶行走此時
作固頂穆爾津岡俱有賊人據守蘄之深林窳菁
自須在在留兵且從溝內進兵不佔地利是以定
於卓克采之孟拜拉發兵搶佔薩爾赤鄂羅山口
以期進取此路不但目下可以遄行而計程較近

即將來糧運亦多節省

臣仰蒙

聖訓凡事皆與五岱等虛衷籌辦現在分隊進發斷不敢稍悞機宜奏入

上嘉之

同日桂林奏言

臣

前赴美諾籌辦南路夫糧會奏

後即於十二月三十日馳回章谷而明亮等於正月初五日領兵移赴章谷暫駐於附近之格藏橋分兵竄進所有進攻之路皆由巴旺布拉克底地

方依山旋遶晝伏夜行一切供運若俟取資章谷
實恐緩不濟急臣籌酌再四惟巴旺官寨距臨卡

三站山勢紆迴障礙賊人難以遠望且係適中之

地當經派運米一千二百石預為存貯並令臬司

李世傑先赴該處親身辦理俟初十日大兵已進

該司再將巴旺存糧趕運臨卡臣亦隨抵大營相

機接應再查新添臺站需夫不少若於內地咨調

實屬鞭長不及臣思章谷存糧二萬二千有餘

尚非急需趕運當於打箭爐口外各站人夫內量
為抽調以供目前添站之需則軍行糧隨一切輓
運均可源源接濟奏入報

聞

丁丑阿桂色布騰巴爾珠爾奏言

臣

等派撥官兵

分隊啓行之後海蘭察額森特帶領第一隊官兵
於初九日辰刻即已進至谷噶山梁了口下埋伏
賊人並未知覺至酉刻忽見了口有賊五名向上

行走似係哨探之人海蘭察惟恐賊人得信親帶
數人趕上鎗斃一人其餘竄入林而逸臣等思逸
賊必回通信其勢不可稍遲因察看谷噶山梁之
外又有橫梁一道地名喇穆喇嘛峯巒峻險路狹
溝深因令海蘭察與保寧帶兵二千由此繞進又
令額森特普爾普帶兵三千從正面進攻臣色布
騰巴爾珠爾復派兵一千五百名令烏什哈達帶
領為海蘭察等接應又派兵一千名令成德帶領

為額森特等接應額森特等即於初十日子刻搶過了口過溝往上攀越維時風雪大作官兵毫無畏避穿林越險直前奮擊賊人雖亦放鎗抵禦因官兵勇猛勢不能支且戰且走官兵節次攻擊直至黎明轉戰二十餘里賊皆奔竄察看喇穆喇穆高峯橫列上有大礮九座築在各峯之上中間又攔以石牆其地本有積雪是夜五更後又降大雪官兵轉乘此雪霧迷漫前進直抵礮根賊人不及

放鎗僅能拋石下擊緣碉根堅厚凍凝刨挖不入而碉頂係石片蓋成又有積雪拋擲火彈亦不能燒恐官兵遲久受傷因而暫撤預令滿洲吉林索倫等勁兵埋伏誘令賊衆前進攻對面山腿賊寨等語_臣等查谷噶了口本與木果木功噶爾拉當噶爾拉同此一帶山梁其險惡情形亦皆無異今乘其不備進行無阻且額森特之兵已佔據色依谷山海蘭察之兵已佔據登古山相距不遠聲息

相通若竟能從此統進則喇穆喇穆之賊固守亦
為無益轉不必爭此險礪現在色谷登古高峯已
望見宜喜山梁又望南路之克丹九寨及馬爾邦
等處隱隱見有煙火其登古山相對之處亦已見
凱立葉山梁上有兵行走軍威甚盛賊酋必先胆
落至官兵自谷噶溝口進至梭洛柏古即係金川
地方及至海蘭察所攻之地計入賊境已有一百
餘里惟自進谷噶溝口以來箐林深窵道路叢雜

而贊巴拉克喇穆喇穆各處道路尤多實不無多
分兵力查楸砮一處運道已密札松茂道查禮開
修此道一通并續調防後之川楚兵丁到日即將
布朗郭宗瑪爾當等處防兵內抽出二三千名併
為接濟攻勦之用自更得勢

同日明亮奏言本月初十日丑刻臣明亮帶兵從

河北正面進攻馬奈之前地名拉綽有石卡五座
迤東山嘴之上起立大戰礮一座我兵遠至山半

下壓方可獲利因即乘黑速進賊人猝不及備被
戮者三名餘皆滾跌崖下死者甚多比及天明行
近戰礮賊人已於當路放鎗官兵冒險撲上四圍
困住並於正西一面挖開石脚拋擲火彈賊人飛
石如雨更從挖空內放鎗死力相持官兵又從東
南角上用籐牌擋石其下刨開地道裝入火藥地
雷震動礮牆齊塌賊人被壓在內從亂石中逃出
者二名即為我兵殺死其地窖之內尚有賊番五

六名用鎗抵禦我兵痛加殲戮先後死於碇內者計二十七名內有紅衣賊目一名據被獲之番婦供稱此係土司二等頭人巴勒喇實僧格桑令帶同三塞百姓在此看守者其時日已向西當即整兵直前而富德處統兵已截出馬奈之後遣人報稱自進駱駝溝到處冰雪載道無路可尋我兵穿林越箐魚貫而行相兵賊寨其大小碇房不下百餘座周圍分布山之了口對修戰碇兩座山梁上

復起木城一座以阻去路我兵自下而上賊即知
覺密排鎗石拒守我兵蟻附而登先將戰礮二座
次第攻開乘勢搶至木城拔柵而入賊人聚守雖
多因我兵銳不可當旋即潰散計殺賊三十餘人
惟馬奈為金川緊要門戶現在盡其本寨所有番
衆無不出而爭鬪查和隆武帶攻卡卡角之兵更
須深入而山逕陡削懸崖一線兵丁接踵而去賊
必早為防備萬一不能得手而後路未經掃清亦

為可慮不如逆力先攻馬奈因約會犄角而進亦於東向山梁攻克戰礮二座兩兵會合軍心愈壯直趨馬奈正東地名庚札翻山而過已至河下與

臣明亮一路官兵合在一處是馬奈地方前後左

右盡被我兵攔截對河格魯克古德赫布所領官兵乘勢並渡亦據報到攻得賊寨四十餘處至二更時馬奈中山梁五礮之賊盡行奔潰其卡卡角對河之木底亦據都司陳世庚報稱率領土兵渡

河官兵續進攻得要隘二處藉為根基現已飛派
兵一千順河前往策應至奎林所攻之斯第博堵
一路查布拉克底一帶河面寬濶水深勢急難以
修搭浮橋官兵於隱密處自河北渡至河南俱用
皮船乘載於申刻遣人報稱漢土兵丁已超上山
梁搶得木城二座扼其要害計此番初次發兵於
一日之內各路盡能克捷不但滿漢屯土各兵踴
躍爭先即巴旺布拉克底兩處土兵奮勉尤力其

領隊侍衛章京及鎮將以下等官現當連夜統兵
為得一步進一步之計其勞績所在俟與富德會
合後再行查奏臣明亮親自押後督催前行現當
四鼓惟見沿山號火燭天以此軍威早寒賊胆當
鼓勵各兵急圖深入均奏入

上諭內閣曰此次阿桂明亮等分路進剿同時並發於
一二日內乘賊不備迅克要隘山梁搶佔木城礮寨
賊衆望風奔潰殲戮甚多阿桂等悉心調度動協機

宜而領兵各員協力進攻均能所向克捷着先償荷包以示鼓勵仍令該將軍等查明在事出力之將領弁員同將軍叅贊一併交部議叙至兩路滿漢屯土兵丁不避冰雪攀越山險奪寨攻碉無不爭先踴躍實屬出力可嘉着阿桂明亮查照伊等應得分例加賞一月錢糧以示體恤

臣等謹案西南兩路官兵同時會勦荷蒙

皇上訓示以此次進兵路徑較上年之功噶爾拉當噶

爾拉兩處事半功倍

先幾神鑒不爽銖毫茲軍營報到果於一二日間西路進至
谷噶即佔據色依谷登古諸峯南路由河北進攻馬
奈克獲戰礮東過河下兩軍聲勢聯絡扼據要害
威稜所震魄膽已褫從此深入賊巢紅旗三捷軍
行勝算早握符於殲渠埽穴之先矣

同日

上諭軍機大臣曰前因僧格宗為南路軍營後路曾諭

令富勒渾駐彼防守並令注騰龍隨其辦事本日據
明亮阿桂等先後奏到於初十日同時分勦俱已佔
據險要現統勝兵深入聲勢極為壯盛賊匪驚惶之
胆更無暇擾我後路看來僧格宗一路此時竟可無
容復留大員駐扎着傳諭富勒渾不必復赴僧格宗
駐守惟赴阿桂軍營後路糧站同郝碩劉秉恬等督
辦糧運火藥等項毋稍貽誤

同日富勒渾郝碩劉秉恬奏言將軍阿桂於初八

日起程大兵已進數進發臣等飭令總理道白瀛將後路抽調之夫均勻撥派每站各帶五六百名令其負米而行次第前進安設並每站發給帳房三十架用資各夫棲止計自布朗郭宗以至谷噶山噶梁約計八九站今於初九日背米起身每日計安兩站至十三日即可以安設齊全而各夫帶運之糧亦俱可陸續到齊惟時官兵於初六日所支裹帶尚有三四日存餘即將到營米石接濟兵

將並可以有餘協濟凱立葉一路之不足至後路
自明郭宗至布朗郭宗五站存米一萬餘石臣等
現飭各營員每日滾運三百石此外尚有日隆達
木巴宗卧龍關木坪各處長運又有喇嘛寺商米
接濟運供可期充裕再查新安臺站俱係荒僻地
方除阿桂派兵防範外臣等遵

旨於每天百名中揀出精壯者十名每站即可得五六
十名以資守護奏入

上嘉之

戊寅豐昇額奏言

臣

率領官兵進攻凱立葉當派

滿漢兵丁八百乘夜前進令其先佔達爾扎克山

頂又令五岱等領兵二千繼進

臣

與書麟帶領侍

衛馬爾占佛倫泰常保住普濟保等領兵一千五

百陸續進發初十日黎明俱抵凱立葉山根官兵

正欲覓路上山四面直撲賊碉而此碉在山峯之

上又值雪後路滑未能攀越賊番已先知覺用鎗

石抵禦官軍在險滑之際不能久駐酌擬退兵忽見林內有賊三百餘名潛出我兵即直前冲擊

臣

亦帶兵夾攻殺賊六十餘名餘皆奔竄並據報稱官兵已得達爾扎克山梁其地尖峯亂石路徑極險中隔一溝不通凱立業現在築卡駐守

臣

與五

岱酌商凱立業即使迅難攻取亦必另覓間道以

圖進剿如無可通之徑則俟雪融時鼓勵官兵另

為籌辦

臣

經過之薩爾赤鄂羅山甚屬要隘不可

不留兵防守況已入賊境百里之遙後路益關緊
要隨派侍衛伊達里署總兵官達色將後隊兵丁
八百留彼駐守

同日明亮富德奏言本月十一日具

奏合圍馬奈以後賊人見前此被困無所逃命遂一

意拒守是日

臣

明亮即與富德會合一處督兵逐

步上攻賊勢益蹙數次抵死往下冲壓我兵鎗箭
齊發堅不可動至戌刻將四山礮卡依次攻克放

火焚燒賊人被殺及墮崖死者甚多查馬奈東北
環抱三峯地名絨布寨據土人稟稱此處亦係一
大寨落乾隆十二三年在此打仗兩年有餘未能
攻取_臣等察看形勢洵屬扼要仍分上下兩路夾
攻鼓勵士卒務期迅取隨整隊前進而賊於要口
列礮相望以示死拒之意_臣等分兵覓路而上賊
人鎗石交加互為救應相持至十二日午後賊勢
稍懈我兵合力並進或用火攻或用圍殺所有寨

落四十一處俱立時殘破其附近庚額特正南之

托寨由

臣

明亮乘勢攻取附近絨布正北之沃什

山摩格寨孟格哩格穆爾德宗由

臣

富德與和隆

武乘勢攻取目下仍即統兵分山前山後兩路而
進至奎林處前已攻得木城二座亦於本日報稱
所佔山梁直踞克舟九寨之巔現在設法先壓斯
第博堵侯再有捷音另行具奏均奏入

上諭軍機大臣曰據明亮等奏全行攻克馬奈並奪取

絨布寨其距馬爾邦諒應不遠而奎林所佔山梁直
距克舟九寨之巔若能由上壓下攻之當易為力現
在將弁兵丁俱各奮勇前進甚屬可嘉惟益勉速成
大功用膺茂賞同日又據豐昇額奏官兵至凱立葉
山根即有賊人知覺用鎗抵禦官軍不能久駐其已
得之達爾扎克山梁路徑極險不通凱立葉現在築
卡駐守等語看來凱立葉一格磳踞山巔克之匪易
原議必由此路並攻者因其與谷噶相近藉以牽綴

賊勢今阿桂現於谷噶攻進若再能深入進至勒烏
圍則凱立業之碣自可不攻自攻豐昇額切勿急於
進取或致稍有挫悞況官兵於進勦之處若遇連勝
則勇氣百倍設見有損傷之事即不免心動氣沮豐
昇額等只可嚴緊攻圍斷不可不察利害妄令輕進

同日

上諭軍機大臣曰昨已降旨令楚省續調滿漢兵二千
名速赴布朗郭宗一帶聽阿桂調用今阿桂現已攻

克谷噶乘勝深入若得此項楚兵接濟聲勢自益壯
盛着再傳諭文綬如楚兵已經到省或已過省即速
催趙兼程前進尅日到阿桂軍營

己卯舒常奏言

臣

查達爾圖賊番死守日久未經

攻克今各路進兵或賊番抽住他處此間即可得
手或賊番照常聚集一經進攻更不敢分往別路
亦可收牽綴之益隨調日旁健兵三百名合之宜
喜兵一千二百名分為五隊令馬彪等攻達爾圖

頭礮二礮侍衛進財保等攻三四兩礮俱於初十日丑刻進發攀援箐林潛行而上相近礮番望見倉砲齋施臣督令官兵直至濠邊而賊番鎗石愈密我兵接仗良久已有損傷因令挨次收撤至十二日子刻又派綽斯甲布士兵分發進攻隨據領兵之士舍綽爾甲木燉稟稱山陰積雪凍冰隨上隨跌不能前進山南之兵甫至半山即被鎗石打回實難攻上只可另尋路徑再行出力臣思此次

土兵覓路進攻出自伊等誠心細察情形實因遇雪路滑難以前進現在大兵並舉伊等若聞他路得手自必倍加踴躍奏入

上諭軍機大臣曰官兵留駐宜喜原為牽綴賊執之用此次未能攻進本無關係即豐昇額攻勦之凱立葉原為幫助谷噶作犄角並進之勢今谷噶既已得間而入則凱立葉之未能攻克亦無關緊要惟阿桂所進之谷噶了口其梁與功噶爾拉不遠恐賊見阿

桂軍威壯盛其力難於明拒或由功噶爾拉山梁循
脉潛來暗截後路或仍由功噶爾拉木果木等處出
而滋擾臺站則所繫甚大不可不留心防範不知阿
桂曾籌畫及此留兵防守否倘若此時豐昇額已自
凱立業統兵前進固屬甚善否則留兵少許在彼綴
賊不令其抽住谷噶豐昇額率兵數千徑赴功噶了
口防駐遇有潛出之賊痛加殲戮自無從施其詭狡
伎倆而阿桂一路得此聲援於進攻更為有益

平定兩金川方畧卷八十七

欽定四庫全書

平定兩金川方略卷八十八

正月庚辰

上諭內閣曰文綬奏丹東一帶後路關係緊要李本在川年久熟悉番地情形自賞給同知職銜以來諸事倍加奮勉請令其駐劄丹東協同防範似屬妥協李本著加恩賞給兵備道職銜前往丹東辦理諸務並准其具摺奏事

辛巳阿桂色布騰巴爾珠爾奏言大兵所駐地方

本在山峰最高之處

臣

等于十三日攻取登古對

面山梁令海蘭察普爾普等帶兵分為兩路前進

保寧海祿帶兵接應兩路俱于丑刻潛進時風雪

大作官兵奮迅向前一擁而上乘其不脩攻克頭

卡隨乘勝直攻第二三四卡賊措手不及均經攻

克餘賊竄入第五高峯卡內官兵合力尾追時有

吉林委署防禦八十七鎗矢連發斃賊十餘人漢

土官兵勇氣倍增向上衝殺賊仍遁入卡內維時
喇穆喇穆碉內有賊百餘踰溝接應又被索倫兵
衝斷圍射殲戮甚多查第五峯碉卡雖因峯高石
大未經攻克臣等察看情形尚可繞越圍截設法
辦理俟兵丁稍為憩息即併力奮攻務期得手

同日阿桂又奏言臣等前准明亮抄送分防後路

摺稿並將所繪圖說寄知其所派翁古爾壘等七
處各留兵二百名得勝橋等三橋各留兵一百名

為數原未免零星惟是番地重山複嶺道路叢雜
要地設有重兵而其餘數十百里內可通賊境之
處若無兵接濟則於運道文報糧餉等事聲勢不
能聯絡既議駐兵即不得不節節留防至功噶爾
拉二處山勢延長官兵二千非但難于攻撲并不
足以資牽綴而功噶爾拉後路如崇德牛廠簇拉
角克又須步步留兵轉減大兵進剿之力今臣自
美諾至谷噶後路留兵合計數千均就至要之地

並再三酌已有此數是以臣前奏或俟續調之川
楚各兵到日再將底木達一帶防兵抽撤一二千
應用

阿桂又奏言據常青等稟稱有金川番人思丹巴
一名前來投順又據遊擊福敏泰解來瓦寺土兵
阿忠自金川脫出臣詳悉查訊據思丹巴供係色

爾里寨人伊因派令守卡受苦不過遂與阿忠一
同逃出行至木果木地方為賊趕來衝散等語當

將思丹巴送往瓦寺安插居住

阿桂又奏言竊查綽斯甲布糧運本有兩路一從
打箭爐出口自噶爾塔爾資隆經由革地雇募烏
拉前運木池一從維關出口經過梭磨卓克采從
噶克丹堪地方前至綽斯甲布令豐昇額帶兵既
從卓克采前至凱立葉則所有自維關運出之糧
一至卓克采地方即可令其由岔道前赴凱立葉
軍營只須增添數站較之運至綽斯甲布省費已

多至臣現今查禮所開之楸砥運道此路軍糧亦

即從維關運出因其道路甚捷較之西路由桃關
卧龍關明郭宗布朗郭宗等處運至谷嚙腳價大
有節省俟楸砥運道一開即將西路卧龍關一帶
糧運酌量停止均奏入

上諭軍機大臣曰阿桂等奏十三日分路進攻喇穆喇
穆連取石卡四處殲戮賊人實為痛快所有在事之
將弁俱著記明功績再行交部議敘又據奏第五賊

卡峯高石大尚可繞越圍截設法辦理所見甚是斷不可在其正面冒險攻撲以致徒勞至谷噶了口與功噶爾拉同一山梁恐賊人潛循岡隴來截我兵之後今據阿桂奏自美諾至谷噶後路留駐之兵合計數千是已于緊要後路俱經留兵防禦可無他慮昨據文綬奏楚兵到成都已於正月十六日起程前赴美諾計日內即可到齊底木達一帶防兵即毋庸再為抽撤阿桂當酌量何處尚需添兵若干即就近妥

協派撥仍行奏聞若調至軍營并力合攻亦無不可
又奏稱金川番人思丹巴前來投順訊係由木果木
而來自非虛捏是木果木為金川往來要地賊若從
此潛出即不難至底木達大板昭等處此乃阿桂軍
營緊要後路不可不實力嚴防著交常青等於此等
要隘切實防範時刻巡查不可稍有疎懈其美諾僧
格宗等處有應互相照應者常青即就近札知王進
泰成果並飭汪騰龍一體留心妥辦又阿桂另摺奏

凱立葉一路現用鄂寶由卓克采運往之糧較之西路糧運頗為近便若楸砥之路一通則較卓克采運費更可節省等語是楸砥運道於谷噶凱立葉俱屬有益自當上緊辦理著交富勒渾鄂寶熟商妥辦

壬午桂林奏言

臣

查河北馬奈及絨布寨俱經攻

克即河南進攻博堵官兵亦經深入軍行糧隨最關緊要今添派之夫尚未到站而抽調之夫又不敷用兼之運送軍裝及山卡兵糧需夫更多且奎

林所攻深嘉卜一路距臨卡約有八九十里山高
路仄背夫往返需時若非設法變通不足以資接
濟臣與臬司李世傑悉心商酌查爐城商運米石
向來俱在章谷交卸若令其直運臨卡按站加給
腳價則軍營之米添此商運自可漸望充盈而後
路各站人夫亦可移東補西稍為濟急俟添站及
換班人夫如數到齊臣酌量情形仍將商米歸於
章谷收納奏入

上嘉之

同日富勒渾郝碩劉秉恬奏言

臣

等籌辦谷噶一

路糧運自底木達至大板昭計程一百三四十里

共安五站又自大板昭至谷噶軍營計程一百餘

里現安三站業於十二日將新設臺站一律安齊

陸續轉運

臣

等先經催飭臺員將隨帶長運之米

並沿途滾運之糧星夜兼程前進自必日見充盈

其楸砮一路現飭查禮上緊開修一經開通道路

既屬近便輓運更覺從容指日兩軍會合並可以有餘之糧接濟凱立葉一路兵食再查谷噶溝口至谷噶軍營一路樹木叢雜道路險仄冰凌難行臣等特派員弁帶領人夫加緊修理以速糧運奏入

上諭軍機大臣曰據富勒渾等奏安設糧站按站接濟一摺所辦甚好至稱谷噶軍營一路樹木叢雜道路險仄冰凌難行等語此事甚有關係阿桂現在統兵

乘勝深入其後路最關緊要賊衆狡計百出恐因途險多水潛出截我後路不可不防且昨聞阿桂奏投出番人思丹巴供詞有索諾木打發丹巴沃雜爾到功噶爾拉預脩等語丹巴沃雜爾在諸賊中尤為狡惡賊酋遣其前往功噶爾拉時尚不知我軍不由彼路而進今已另覓間道分兵進勦丹巴沃雜爾自不肯在功噶爾拉安坐困守其山梁與谷噶相連或循山梁潛至谷噶了口或由木果木而出至底木達大

板昭一帶堵截後路皆不可不切實防範著傳諭常青等於此等處所留心設法嚴防勿稍疎懈

癸未明亮富德奏言臣等自攻克絨布寨後此數

日內督令官兵盡銳進攻而賊番據險抵禦死力

相持猝難攻撲臣等察看形勢挑選勇健官兵密

於十五日夜繞出山後令各鼓勇而上以圖截其

去路及至該處懸崖峭壁之間中通一線當路復

扼以戰碉甚難前進現於是處駐扎相機進取至

奎林所佔山梁在當噶爾拉之北下臨斯第博堵
並克丹九寨皆有路可以壓取賊人因地當扼要
在所必爭復于十四十五兩夜潛來偷刦俱被擊

退

臣

等恐奎林帶兵四千不敷進攻又續派兵五

百名前往協濟但該處相拒河北大營尚有六七
十里路險難行一日所送軍糧僅敷一日支用

臣

等已派兵五百名共背米二百五十石前往備用
再河北新得地方山勢綿亘不可不加意防範但

臣等河北一路官兵不及八千人除去留防打仗之外存營者不滿二百人此外又無可抽調臣等籌酌再四惟新調美諾駐守兵丁或可通融抽撤一二千人來營助勦實為有益奏入

上諭軍機大臣曰明亮奏官兵連日進攻及賊人竭力拒守一摺是此路之賊防備較嚴株守殊為無益現在奎林所佔山梁俯臨斯第博堵及克舟九寨而形勢自上壓下攻之似易為力但奎林所帶之兵僅止

四千恐不敷用即明亮添給五百亦屬無多因思河北一路既急切不能直進與其久駐曠日何如并力於博堵一路會勦之可期得利乎著傳諭明亮酌定兵一二千在馬爾邦一路牽綴賊勢而令富德統率多兵迅趨河南與奎林會合壓攻克舟九寨若能得利則馬爾邦等處亦可不攻自潰明亮即速妥酌行之又據稱現統河北一路官兵不及八千除留駐打仗外存營者不滿二百等語為數太少殊難以成事查

明亮等原報兵數共二萬二千餘名今所奏兵數共計一萬二千與原奏數目不符著明亮等即速查明據實覆奏如實在無兵可調現在阿桂軍營新到楚兵二千可於此內酌將湖北綠營兵一千調赴明亮軍營脩用其荊州駐防兵一千留阿桂軍營或勦或防聽其酌用再據稱奎林一路軍糧不敷接濟等語所關甚屬緊要著傳諭桂林即同李世傑實力籌辦以期源源接濟毋稍貽誤

同日舒常奏言

臣

因十一日夜冰雪凝凍山險難

登土兵未能前進暫留盛英駕馭土司曲為獎諭

于十四日據土舍綽爾甲木燦頭人松乃溫布等

稟稱已覓得附近俄坡之石拉溝附近木池之格

爾格兩處賊人防範稍疎松乃等擬分領土兵三

千餘名由此兩路進攻並請派將官二員同其前

進以驗伊等之何如出力

臣

即派遊擊常保李天

貴分路督同進發至十五日晚間常保同溫布等

回營稟稱十四日戌刻土兵至石拉山根潛伏亥刻一齊上山將近礮前賊人鎗石齊發土兵雖有受傷並不退避劈門而進生擒二人殺死二十餘人又十六日早李天貴帶松乃來營稟稱十四日子刻帶領土兵行至格爾格少為休息即分道上山直至山梁賊始瞭見竭力抵禦頭人督令土兵奮勇分攻賊礮五座先後搶獲殺死三四十人生擒三人天將明時又有賊三四百人前來救應復

經殺賊二三十人餘皆奔竄臣將此次進攻之大

小頭人十六名分別賞給綢緞銀牌等項其生擒

賊番者每名賞給銀兩受傷者另行查明咨部辦

理臣並諭以新調土人若能留營助勦當即奏明

大皇帝一體賞給鹽糧據溫布等稱我等地方處處與

金川通界若將新調土人留營助勦倘被賊番佔

據地方反為不美只可隨時酌量辦理斷不敢多

領口糧惟前蒙

大皇帝每月加賞土兵銀四錢按八合三勺賞給口糧
實係格外之恩但此口糧原係半折半支並未支
領全米又兼上年收成歉薄雖多領銀兩難以買
食惟求照舊支領使土兵足敷口食等語臣未敢
擅便伏候

訓示奏入

上諭軍機大臣曰舒常奏綽斯甲布頭人松乃溫布等
領兵勦殺殲戮甚多所辦甚好松乃溫布前因其誠

心出力賞戴藍翎並各賞銀五十兩此次更屬奮力
著即賞戴花翎陞授五品頂帶以示鼓勵至土兵半
支半折定例已久今搏節糧運尚恐不敷若再加增
本色米石更恐難以接續著舒常面諭土兵等以定
例如此各路一體遵行若爾等北路米數獨加恐各
路土兵聞而忌嫉轉與爾等無益不若照舊支領為
妥爾等如果立有功績不但可得重賞亦覺顏面有
光不更愈於些微升合之加添乎如此曉諭土兵等

必更加踴躍感奮各路土兵或有似此者各該將軍均宜一律辦理

二月甲申豐昇額奏言訪得達爾扎克山後有一處山口可以帶兵潛進繞出賊後其達爾扎克山南溝內仍舊遣兵牽綴以為兩路夾攻之計臣與五岱於十五日亥刻帶兵潛出大營雪深路滑兵丁行走維艱前隊官兵甫至山根林內即有伏賊突出抵禦我兵奮力迎戰殲斃十餘人又有賊番

接應捨死力拒臣等督令官兵向上仰攻無如路險山危難以佇足因令暫撤俟雪止泥乾再行設法辦理奏入

上諭軍機大臣曰凱立葉一路攻進較難自不宜在彼株守莫如併於阿桂處合力並勦較有實濟且阿桂攻克了口以來頗為得勢正須有續進之兵以壯聲援豐昇額酌留兵少許派員駐守以綴賊勢即統現有之兵速赴谷噶了口助阿桂進勒烏圍則兵力益

多軍聲益振矣

同日文綬奏言奉

旨令於成都駐防川省綠營選湊二千餘人調赴美諾
查成都駐防現選兵三百名候撥其督提兩標及
鎮協各營原派兵一千七百名內已經富勒渾調
派兵四百分赴瓦寺雜谷地方彈壓降番其餘一
千三百名已飭各由本營速赴西路交常青等酌
派奏入

上諭軍機大臣曰川省綠營兵於攻勦雖不能得力尚可看守地方而成都駐防之三百兵較綠旗自為有益著傳諭阿桂如有需用之處即將此項駐防兵調用其川兵一千三百名應如何酌派之處並著阿桂即行酌派

乙酉

上諭軍機大臣曰昨諭阿桂將挑赴後路之成都駐防兵三百名即行酌調並將綠營川兵一千三百酌派

各路防守今思川兵雖於攻勦非宜而看守尚堪備
數阿桂留於布朗郭宗一帶防兵計四五千名其中
儘有可充攻勦之用者莫若將新往之兵作為分防
于阿桂舊留防兵內如數換出派赴阿桂明亮兩路
應用以此兩項新兵添派兩路更為得力著阿桂即
速核定分撥並著常青等妥為更調奏聞

丁亥明亮富德等奏言竊查卡卡角前山形如丁
字凡官兵竭力上攻之處即為賊人加意死守之

處必須別出奇兵掩其不備查木谿山梁之半東
向峭壁攀援俱絕其上雖有滾石放鎗之賊而山
峯一帶並無卡隘若能於此攔腰截出得佔一隅
便為勝算但各路攻圍之兵稍有移動賊必早為
知覺隨將扎爾桑所帶當噶爾拉牽綴兵一千名
撤回先令各隊官兵於十九日子刻分路攻打
等亦帶兵二百餘名在庚扎之上相機策應用砲
轟推一面即密挑健兵三百名派扎爾桑帶同空

藍翎興善保守倫田藍玉先于十八日夜在山梁峭壁之下預伏箐中至是日子刻興善保田藍玉二員潛領吉林兵七名索倫兵二名屯兵八名於萬難容足之路攀附而行比及黎明臣等望見興善保田藍玉等則已在峭壁之上餘兵亦接踵而至賊番正當四面迎拒突見我兵從此截出一時驚惶失措兩山梁碕內各番望風潰散山前山後官兵同時奮勇齊登追殺五十餘名又截住碕內

賊番殺死十三人當將兩山梁全行佔據是卡卡
角以前一帶險要俱已勦洗淨盡所獲牛八十餘
頭羊二百餘隻俱已散給兵丁其餘刀鎗等物甚
多亦即分賞各兵以示鼓勵至奎林一路于十八
日同德赫布帶兵一千五百名三保帶兵一千六
百名分取博堵斯第又料賊人必來滋擾先將所
剩兵丁於山梁左右埋伏以待及至分路下壓賊
番早已砍伐大木阻塞行路兩軍到時將及天晚

番抵禦甚力堅不可破而奎林所攻博堵另派兵
一百名搶至礮根拋擲火彈因石凍難挖恐致多
傷隨于十九日約會三寶撤回賊番果于山半箐
林之內邀截去路維時山梁伏兵往下接應而撤
回之兵合力夾攻約殲賊四十餘名現在官兵仍
於山梁屯扎另行辦理奏入

上諭內閣曰興善保田藍玉履險先登甚屬可嘉著加
恩賞給巴圖魯名號興善保授為達克巴圖魯田藍

玉授為諾丹巴圖魯仍照例各賞銀一百兩以示優獎

同日明亮富德等奏言永州鎮總兵扎拉芬受傷身故所遺員缺請以副都統和隆武署理長沙協副將劉輝祖陞任所遺員缺請以前鋒叅領巴圖魯圖欽保陞補其所遺員缺請以副前鋒叅領舒亮補授

上從之

同日桂林奏言南路安設馬臺備用已飛飭杜玉林詳查妥辦其供運南路夫糧請令文綬嚴飭承辦人夫州縣先將現在添站換班人夫上緊催解出口并將嗣後人夫各按派定之站預期派定點交安幹丁役如期如數直解口外並責成經過州縣點驗報查奏入

上諭軍機大臣曰前因明亮奏奎林一路軍糧不能接續已傳諭桂林加緊籌辦今據奏請催解人夫自為

現在最要之事著文綬即嚴檄承辦各員上緊妥辦
勿稍貽誤再運糧固籍內地人夫而從前辦理金川
軍務聞松潘一帶兼用茂州番民婦女背負甚為得
濟雖其間形跡不免混雜惟期于公務有益著傳諭
富勒渾文綬熟籌妥辦仍即覆奏

平定兩金川方畧卷八十八

欽定四庫全書

史部

平定兩金川方略卷

八十九至
九十一

員外郎_臣顧宗泰覆勘

總校官原任侍講_臣王燕緒

欽定四庫全書

平定兩金川方略卷八十九

二月己丑阿桂色布騰巴爾珠爾奏言查喇穆喇
穆山梁為賊番緊要門戶海蘭察之兵已繞過其
左佔據登古山梁即不難繞截喇穆喇穆之後但
有登古對面高峯驟難攻克而其下尚有可繞之
路若從此繞出不但該處碉卡賊難據守而喇穆
喇穆之賊見大兵已越至險之地亦必不攻自潰

惟此一帶山梁本係當噶爾拉功噶爾拉一脈氣
候亦同相似與明亮由馬奈等處沿河進兵者不
同數日來雨雪連綿層冰凍滑官兵越爬立腳為
難但自登古對面高峯而下不十餘里即出積雪
之地現在各官兵等鑿冰冒雪搬石掀木甚為踴
躍以為一過此隘則地勢漸平天氣漸暖勒烏圍
賊巢在望不難計日掃平並不煩臣等嚴加督飭
其凱立葉一路臣等斜望該山形勢較為切近詢

之番人均稱有路繞越不難措手查有久經投出之金川番人策旺伊生長凱立葉地方路徑情形較為熟悉因令其前赴豐昇額軍營以資嚮導茲於二十三日天色已晴臣等即於日內督率攻勦同日郝碩奏言臣於本月十八日自大板昭馳赴布朗郭宗催趲糧道查布朗郭宗為新設各站總匯之地存米現有三千餘石兼之每日滾運上站米石並運送麵觔軍火餉鞘等項積米未能暢運

且軍營積貯亦不甚充裕設早晚直抵烏勒圍愈
進愈遠更須添安數站臣率同站員將後路捲撤
之夫截留三百餘名趕緊前運又於本站僱募客
夫酌量加運日來頗見踴躍甚有情願加裝背負
者每日可運積米數百石旬日可運完此後滾運
之米隨到隨運不致停積均奏入

上諭軍機大臣曰前以阿桂從谷噶了口深入其後路
最關緊要復因豐昇額奏凱立葉一路攻進稍難曾

令其統兵赴谷噶一帶為阿桂助勦聲援今阿桂又遣熟識路徑久經投出之番人策旺前赴豐昇額軍營以資嚮導凱立業既有路可繞復添嚮導之人自可乘間攻克與阿桂會合進攻但六七千里外軍務機宜究難懸定阿桂豐昇額惟當斟酌妥為之仍將作何定局之處迅速覆奏惟是數日以來朕日夕盼望竟至中夜無寐將軍等豈可不體朕宵旰焦勞之意嗣後間四五日奏事一次勿稍遲緩又據郝碩奏

抵布朗郭宗後趕運軍糧所辦甚好客夫均知出力
趲運亦屬可嘉郝碩等自應酌量加賞以示鼓勵

同日

上諭內閣曰阿桂等奏軍營出力人員請將全福陞補
貴州丹江營參將所遺貴州水城營遊擊員缺以李
煦補授又四川城守營參將員缺請以劉興祖補授
其陝西潼關協副將員缺現在綠營參將內不能得
人請以火器營翼長子爵仁和補授均着照所請行

其委署防禦八十七索倫馬甲諾沁親保俱着授為
藍翎侍衛仍着賞給八十七諾訥馬克巴圖魯諾沁
親保資濟特巴圖魯名號其貴州兵王安章湖廣兵
曹萬年俱着以千總補用仍賞給王安章掖桑巴圖
魯曹萬年瓦爾單巴圖魯名號均各加賞銀一百兩
同日富勒渾奏言臣於二十四日馳赴谷噶軍營
與將軍阿桂籌商糧運及帶兵防駐事宜據稱大
板昭實為西北兩路糧運總匯只須將大板昭各

卡隘防範周密即可無虞至僧格宗一處不過駐
兵防守與美諾布朗郭宗聲勢相連以通消息實
與各處後路無關且目下大兵分路會攻該逆首
方固守不暇何敢分兵滋擾現在擬即進攻遜克
爾宗新設糧臺正當趕運一經得手即可直抵勒
烏圍又須添安三四站以利軍行等語臣查谷噶
一路軍糧經臣設法運供並無貽誤昨劉秉恬已
由孟拜拉前赴楸砥查看道路情形郝碩亦前往

布朗郭宗催辦糧運臣現駐梭洛柏古地方離大
營三十里督催趕運以裕軍儲阿桂進攻遜克爾
宗一經克捷即欲直抵勒烏圍一切增添臺站均
在賊首境內後路軍糧設有不繼關係匪輕臣自
當權其輕重暫駐梭洛柏古相機妥辦至新開楸
砥色利溝道路據查禮稟稱業已開通修治寬整
其中險仄之處亦俱搭造編橋計自楸砥至薩拉
共安九站比之北路由孟拜拉經行較近十二站

即比北路之咱嗎山及西路之卧龍關兩處運道均近十站所有糧米人夫馬匹各項可節省十站之費且係梭磨小金川地界距賊甚遠尤為妥穩臣前准文綬來咨將西路未經起運商米改運楸砥一路第恐道路初開各商未經親歷不免觀望遲疑臣現在咨商文綬先飭成華郫灌四縣共辦長運大板昭米一萬石剋日起程勒限到站此項米石絡繹而來各商等自必聞風嚮往迨商民輻

糗糧運日增而後路達木巴宗所剩米石即可留
為布朗郭宗美諾等處防兵支食是舊存者既無
堆積之虞新到者復有充盈之效並可將布朗郭
宗至美諾一帶夫馬酌留歸入各卡隘以壯守禦
之聲援以絕賊番之窺伺而其餘後路各站均可
裁撤以歸節省奏入

上諭軍機大臣曰前此阿桂軍營後路關係緊要因令
富勒渾仍隨阿桂大營督辦一切今富勒渾奏到籌

辦糧務情形是該督自不便輕離西路至僧格宗為南路阨要之處即着王進泰前往駐守

同日桂林奏言臣督率各站員上緊趕運南路軍糧今據糧員稟報大營現存糧米除運供奎林一路及在山梁官兵支食外已積有二千三百石人夫約有一千三四百名足敷分運其換班人夫陸續解到者約有五百餘俱儘數先撥大營應用其續到之夫即照數截留以補從前撥調之數既

可以資滾運亦可免人夫往返之煩再查自章谷
以至軍營沿途路徑多有應用渡船之處必須預
添船隻方可隨到隨渡所需工匠物料以及應添
水手臣已核明數目徑行承辦州縣趕解應用一
俟物料到齊即飭員弁上緊修造以資利濟奏入
上嘉之

辛卯豐昇額奏言將軍阿桂差遣從前投出之金
川番人策旺土練守備阿拉來營以資嚮導隨令

潛往凱立葉山前山後遍行詳勘何處可以進兵
旋據策旺等查得凱立葉南首由達爾扎克對面
之莫爾敏山傍林箐內約行二十里踰溝即係凱
立葉一帶山梁之中地名迪噶拉穆扎上有碉座
官兵取此必由樹林中穿出自下上登并須佔據
莫爾敏山方能聯絡但向年山上只有二碉今見
山巔碉卡已連豎十餘座看守甚嚴除此兩路外
別無去路臣等思該處實係賊酋要隘一經得手

便可直抵勒烏圍故賊人守禦加嚴而我兵之攻
取更宜速密臣現即派兵前往攻取莫爾敏山以
便奪佔迪噶拉穆扎奏入

上諭軍機大臣曰前因阿桂已由谷噶了口統兵深入
恐其後路未能嚴防適豐昇額奏凱立葉一路驟難
攻進因令移兵往谷噶一帶為阿桂後路聲援今豐
昇額又覓有可進之路自當相機妥辦若果將莫爾
敏山攻克繞取凱立葉其與阿桂進攻格魯瓦覺之

兵亦甚有益且前據阿桂奏二十三日天氣已晴官兵攻勦自易為力佇盼捷音

癸巳明亮富德奏言

臣等於二十四日派令和隆

武等帶兵由卡卡角分路仰攻又令科瑪等繞過

卡卡角山後截出東面進攻使其三面受敵詎東

面溝內碉寨相連密如櫛比將我兵攔阻在內而

續派叅領拉布棟阿佛喜常祿等帶策應兵六百

名俱裹帶四日口糧鼓勇衝入與溝內官兵合為

一處將各碉寨或用焚燒或行搶佔而正面西面
兩路相持至兩晝夜臣等復察西面山脚斜插之
處絕壁中間微可攀陟有空藍翎興善保守備田
藍玉新得花翎益思自効隨挑健兵五百名同時
攀越於二十六日黎明將登山頂豈意賊番埋伏
峯下突出排鎗施放而各鎗俱不過火我兵搶至
跟前揮刀驅殺立時驚竄其時各山口賊番無不
慌亂而賊人正面山背砲位亦即隨火炸裂三面

官兵聞聲相應勇氣百倍共殺賊六十餘名其餘
各寨逃去之賊正當斜上山梁適和隆武統兵進
口截殺一半隨將卡卡角全行佔據現在卡卡角
以前地名庚額特與卡卡角又隔深溝正西一面
壁立千仞前後雖有可攻道路實為一夫當關萬
難措手即正面山脚直挿河流惟山半橫腰羊腸
一線則又有兩石礮攔路其後復起一礮護之據
土人云此為金川南路第一緊要門戶過此則山

岩雖險皆有着力之處臣等趕運大砲先將當路
礮卡轟摧如可俟隙而進必不少留餘力至奎林
一路自十九日將兵撤回歷今十日屢據報稱自
山梁下壓應先取斯第則博堵已在掌握但足跡
所經怪石鋒利難行若非步步駐兵而下後顧正
復堪憂今兵四千五百名實不敷用未便輕進俟
河北攻過庚額特與斯第博堵相對即可渡河而
南為上下夾攻之勢

同日文綬奏言荊州駐防兵一千已全數出口據報頭起已抵卧龍關即日可到布朗郭宗其湖北綠營兵一千於二十三、四日已抵成都即尾隨滿兵進發臣已飛飭帶兵將領迅赴布朗郭宗一帶聽阿桂酌派均奏入

上諭內閣曰據明亮等奏派兵由卡卡角三路進攻當阻險相持之際有空藍翎興善保守備田藍玉攀越登山賊人埋身峰下排鎗施放而各鎗俱不過火其

正面山麓賊人所安之砲亦皆隨火炸裂官兵勇氣
百倍乘勢勦殺將卡卡角全行佔據此皆仰賴

上蒼嘉佑俾賊衆魄褫胆落至官兵等無不努力奮勉
而興善保田藍玉二人勇往出衆尤屬可嘉興善保
着加恩授為四等侍衛田藍玉着加恩授為都司遇
缺即補其餘出力之將弁兵丁並着明亮等查明記
檔俟攻得馬爾邦後即奏聞交部分別從優議叙富
德自到軍營以來實心調度着加恩授為都統遇缺

補用又建昌鎮總兵英泰出師南路已歷四載頗能實心奮勉着將英泰所有革職之案准其開復

上諭軍機大臣曰明亮等奏攻克卡卡角山梁並現在用兵情形一摺深為欣慰昨因明亮一路兵數較少已諭阿桂將續調之湖北綠營兵一千馳往南路並令照文綬所奏之川省綠營兵一千三百名酌撥兩路應用又成都駐防三百名亦可調撥分用是明亮南路約可添兵一千七八百名此兵一到即可添助

奎林一路攻勦更為得力今湖北綠營兵已於正月
二十三、四日抵成都着傳諭阿桂即速知照楚省帶
兵之員催令遄往應用

同日

上又諭內閣曰寧遠府知府盛英在綽斯甲布一帶辦
理糧務頗為出力且熟悉番情所辦俱合機宜着加
恩賞給道員銜仍在軍營辦事

同日劉秉恬奏言臣於本月二十五日至楸砭地

方據查禮稟稱新開運道遵照阿將軍指示於正月十一日委員帶夫分段開修上緊趕辦均已修理工竣臣查新開楸砥道路計自桃關至谷噶軍營共二十三站至副將軍豐昇額軍營共二十七站較之別路運道自屬捷近兩路軍糧不難從此運供奏入

上諭軍機大臣曰劉秉恬奏楸砥運道已經修理工竣較別路自屬捷近昨富勒渾亦將各路程站開單比

較並於新路設法招商轉運使衆皆喜近爭先若此
路一通於糧務甚為有益兩路軍營皆資其益着傳
諭富勒渾等一面查核即飛札鄂寶照辦

上又諭內閣曰松茂道查禮在軍營隨辦糧務向稱得
力今此次開修楸砭道路尤能迅速督辦所有從前
革職留任之處着加恩開復用示獎勵

臣等謹案師行首資餽鑲必經理得宜流轉近
便始能無闕儲胥我

皇上厯懷軍餉於各路支供無一不上煩

指畫俾諸臣咸得遵循董率籌運其隨營辦運諸員亦無不感

恩奮勉職在從戎誼均敵愾轉輸絡繹皆臣子職分所當然而每凡有微勞即蒙

甄錄或晉增新秩或指釋舊瑕

寵施彌渥感勵倍深所以源源共運用濟集勲也

乙未舒常奏言綽斯甲布土司分派土兵擇於二

十五六日進攻並請官兵同時並舉臣等屆期派
叅將馬應詔等前赴周叟帶領土兵前進一面抽
撥官兵乘夜前赴日旁即令永平烏爾圖納遜等
分往兩路接應土兵是日子刻綽斯甲布土兵俱
由深溝密箐潛赴賊碉坡下接踵向上仰攻碉內
鎗石並發土兵已有受傷而救援之賊愈多因暫
令官兵撤退又據周叟一路帶兵之馬應詔等稟
稱二十六日亥刻進攻對面山梁碉卡至二十七

日丑刻俱到礮前併力攻打奪獲石礮二座賊人分頭來援土兵一面抵禦一面將所得之礮即時燒拆殺死賊番甚衆土兵亦有受傷且地險礮堅驟難攻撲亦遂撤回臣查此次打仗綽斯甲布陣亡頭人二名土兵十三名受傷頭人一名土兵八十一名俱分別照例給賞又據永平報稱本月二十日亥刻有分卡千總袁國璜望見賊卡上一二百人往來搬石似有修葺礮卡之狀該千總即率

兵用鎗連擊殲斃數賊餘始竄匿奏入

上諭軍機大臣曰據舒常奏綽斯甲布土司覓得周叟對面山梁並日旁下面碉卡有可進之路派兵冒險前進奪碉殺賊等語看來此路難於直進然藉此以挫賊鋒而綴賊勢亦不可少其土兵內陣亡受傷之人均堪憐憫自應照例賞卹至各土兵之勇往出力由於該土婦及土司土舍等誠心恭順甚屬可嘉着舒常傳旨賞給綽斯甲布老土婦倉旺穆拉土司雍

中旺爾結土舍綽爾甲木燦緞各四疋以示鼓勵又
奏稱永平呈報千總袁國璜見賊一二百名往來行
走以修碉卡隨即帶兵前往鎗斃數賊等語賊人修
卡自防固屬情理所有但我兵正值分路進攻賊方
守拒不給安得復有如許餘閒賊衆專修碉卡似係
賊人故作整暇飾為無恐之狀或伺我不備潛出滋
擾亦未可知舒常不可不留心防範勿稍疎懈

同日鄂寶奏言查豐昇額由凱立葉進勦若支西

路之糧則應從卧龍關明郭宗布朗郭宗一帶運
供無須取道卓克采等處但由西路運至凱立葉
計程四十二站由此路雜谷梭磨卓克采一帶運
至凱立葉計程三十七站以程站遠近計之卓克
采一路實為省便至丹壩係在卓克采之外相距
八站再加四站始抵凱立葉計程亦係四十二站
均屬道遠費多是以臣酌量遠近擬卓克采一路
挽運現在阿桂又奏開修楸砥道路若此路一通

較卓克采更為捷便俟糧運暢行足供兩路兵食
再將應行改併之處商同辦理奏入

上嘉之

同日阿桂奏言臣前因楸砥一路本距內地較近
一切糧運道近而費省是以飭令松茂道查禮相
度開通今據該道報稱剋期分段開修已於二十
四日竣工糧夫人馬皆可通行計自桃關至楸砥
又自楸砥至大板昭較之西路自桃關而卧龍關

明郭宗以至大板昭近至十有餘站每米一石可
以節省五六兩等語查運道改至楸砥兵糧腳價
節省既多而卧龍關明郭宗布朗郭宗一帶二十
餘站人夫皆可大加裁減所省尤為無算且自楸
砥直運至凱立葉又較之由楸砥而繞至卓克采
再運凱立葉者亦多減省但必俟楸砥糧運大通
凱立葉軍糧始可取資於此則該處臺站人夫自
不可不急為安設但由內地應運之糧迄今運出

者甚少亦未撥給人夫應用查楸砥一路此時僅有查禮所僱開路番夫千人業經富勒渾飛檄飭令暫留在站而底木達布朗郭宗一帶站夫又必俟楸砥臺站安設之後始堪捲撤應用今道路雖通而夫糧不到仍何以節帑項而裕軍儲臣現已飛檄文綬趕辦奏入

上諭軍機大臣曰楸砥新路既有趕修完竣其臺站人夫自宜急為安設以利轉輸前據文綬奏稱已於正

月二十八日前赴楸砥會同劉秉恬查辦新路夫糧事宜何以此時尚無運到且截留在站之夫亦祇有查禮所僱番夫千名其何以供兩路軍糧之用前已有旨令文綬即回省城辦事著傳諭該署督即速督飭所屬上緊趕辦俾得源源接濟毋庸遲悞

同日阿桂奏言查瓦寺鄂克什三雜谷丹壩及綽斯甲布巴旺布拉克底兩金川各處均謂之甲壘其番人言語不惟與西藏之唐古忒迥殊即與南

路之明正各土司亦須通譯臣處繙譯番字向不

用綠營字識惟有屯弁安布木一人小心老實凡
有番稟皆派出章京眼同閱看今屯弁通事逐句
念出即逐句寫出似不敢有增減之弊去冬收復
小金川之先早已檄調三雜谷土兵直至大兵業
將小金川全境收復始行聞信趕來伊等亦深知
愧懼亟思有以自白故此番進勦願為出力臣因
此量加獎賞該頭人等深為欣悅而該土司并囑

所屬之目兵向後倍加出力現在楸砥運道有路
可通則谷噶凱立葉兩處後路均在梭磨境內其
土婦卓爾瑪甚為可信且距內境益近距賊境益
遠後路斷無阻碍奏入報

聞

平定兩金川方略卷八十九

欽定四庫全書

平定兩金川方畧卷九十

二月丙申阿桂色布騰巴爾珠爾奏言臣等督率官兵攻擊登古對面高峰近詢土人名羅博瓦若從迎面直攻殊難得手今訪得高峰陽坡之旁有路可通出賊碉之後而此一路石大溝深積雪極厚賊人不料我兵越險前往是以尚未設備臣等前已派兵五路定於二十八日子刻進攻而是

夜雪勢更大因而停止連日或晝或夜必有一二次大雪自尺許至數寸不等官兵實難措足查自登古進攻實為金川險隘若非審度天時地利為萬分必得之計遽行輕舉妄動賊人一有知覺其勢轉難籌辦應俟有二三日之晴冰雪稍為融化密速發兵必能深入再臣前奉

諭旨令將楚兵二千歸於臣等軍營留為另覓新路分道進剿之用但明亮處現分河南河北兩路進攻

急藉官兵助勦臣不敢稍分畛域此項楚兵應請
即赴南路軍營應用現咨富勒渾文綬等照此辦
理奏入

上諭軍機大臣曰阿桂等奏籌度進勦情形一摺只可
照如此辦理進兵當籌畫萬全原不宜輕舉妄動該
處正值水雪凝寒自當速祈晴霽阿桂宜秉誠致敬
以邀

眷佑又奏明亮待兵迫切已將楚兵二千全往南路是

明亮處頓添此二千生力兵自為得力明亮或將所添新兵進攻馬爾邦或令富得帶往攻取當噶或令派赴奎林處併攻斯第博堵著照該處實在情形速行籌辦

戊戌豐昇額五岱奏言臣等進兵凱立葉前已佔據莫爾敏山為進圖迪噶拉穆扎之計隨於二十九日飭令都司袁敏挑選三雜谷兵六百名乘夜搶佔次早據報已至山巔臣等即派侍衛納木扎

等帶兵由莫爾敏山下沿河南前進派侍衛巴三
泰等帶兵由河北前進又派侍衛彰靄伊達里等
分兵接應臣五岱臣豐昇額俱於子刻起行凡遇
沿途形勢地方皆酌留兵據守以防遠截黎明時
至沙岡遇賊十餘迎見官兵即行奔逸官兵追及
殺死八人又行二十餘里已抵迪噶拉穆扎山下
奮勇衝登忽有賊人三四百人拋石下壓我兵鎗
矢齊發多有殺傷又上一二里有賊五百餘人由

林內分為三隊截出衝斷侍衛瑪爾占納木扎等
督兵奮戰侍衛普濟保丕亨保等夾攻合擊斃賊
尤多當欲攻取山頂大碉因碉內賊人抵禦既力
且值天色已晚遂派署總兵官達色侍衛佛倫泰
砍伐木植即於所佔沙岡監柵防守從此再行攻
進實可大省兵力奏入

上諭內閣曰豐昇額等奏稱佔得莫爾敏山攻克迪噶
拉穆扎等語此次打仗賊人捨命前來竟將我兵截

斷乃官兵奮勉出力將賊擊敗甚屬可嘉所有索倫
雲騎尉委署叅領定吉爾圖健銳營前鋒校官敏西
安委署驍騎校秦紹榮受傷身故俱著交部照例議
叙其餘陣亡受傷之滿漢屯土官兵俱著豐昇額等
查明分別造冊送部一併議叙

上又諭內閣曰豐昇額等奏乾清門侍衛瑪爾占三等
侍衛普濟保護軍叅領丕亨保奮勇殺賊超衆出力
著將瑪爾占授為頭等侍衛賞給拉巴巴爾巴圖魯

名號普濟保賞給衝擊葉特巴圖魯名號丕亨保賞
給諾恩濟特巴圖魯名號仍各加賞銀一百兩以示
鼓勵

同日富勒渾郝碩奏言臣等伏查自日隆至軍營
一十七站每站各有里民客夫六七百名至千名
不等每日除滾運軍火支應雜差外可運米七八
百斛不但軍營足資支發且有存餘惟俟楸砥糧
運暢行軍儲充裕即可將凱立葉一路歸併運供

以大板昭為總匯之所梭洛栢古為西北兩路分
應之處加倍添夫以便分頭運送其破礮各站俱
可裁撤所有撤下之夫移添楸砥一路及增安大
板昭栢古兩處儘數分撥此外尚有預備將軍移
營添站之夫一千四百餘名一俟大兵深入即便
次第安臺可無貽悞臣富勒渾前在軍營面見將
軍阿桂據稱大板昭為西北軍營喫緊後路僅有
兵二百名為數較少應將前次派往雜谷之松潘

兵二百名調往以資彈壓臣等俟將軍一有捷音即督率臺員帶領人夫尾隨安設以便利於軍行

奏入

上諭軍機大臣曰前因阿桂軍營後路關係緊要曾屢諭豐昇額即帶兵速赴谷噶了口為阿桂留防後路豐昇額接到此旨自能酌量辦理今據豐昇額奏已攻得莫爾敏山沿途勦殺賊人在事官兵俱各奮勉現在籌取迪噶拉穆扎該處既有可進之機自不便撤令

他往或豐昇額此時已從凱立葉乘勝深入亦足助
阿桂一路聲勢至於阿桂後路如大板昭一帶朕時
為厯念茲據富勒渾奏在軍營時面見阿桂告以大
板昭為西北軍營吃緊後路僅有兵二百名為數過
少應將松潘兵二百名添派以資彈壓是阿桂於大
板昭等處亦曾籌及今雖添兵二百未知果否得力
至阿桂自進攻谷噶以來連次克捷官兵俱各勇往
直前固可望得手但其後路不可不時刻留心著

傳諭阿桂安酌行之

辛丑明亮富德奏言臣等率兵攻取河北之庚額特該處東西兩山至此合拱賊在山坳蓋有平碉並將靠山傍橋盡行截斷攔以石卡而於東山嘴起立戰碉自衛其西山脚下插河流之處因水未泛漲露出淺灘緊與深嘉卜相對賊人若於灘下砲打隔河則并奎林一路糧運從深嘉卜來往均有未便必須搶佔此灘築碉防守當即鼓勵番衆

於初一日連夜趕築五碉雖已分頭據守究難向
上仰攻隨訪得庚額特東北一帶山梁地名穆谷
上有碉寨六十餘間與庚額特山背了口相通即
係卡卡角河流發源之處若能從卡卡角山後穿
林越箐循溝密進乘勢攻克搶上了口便可得手
即於初二日派科瑪張芝元帶領土兵一千名官
兵一千名繞至該處賊於沿山各寨抵死相拒攻
至一日一夜土兵先已佔據平碉五處次日賊知

勢難守禦一面滾石放鎗旋即逃上庾額特山頂官兵追擊斃十餘名所有穆谷碉卡雖已全行佔據而了口向下連築七卡勢據陡峭兵力難施又別無繞出之路此時惟在正面對河安設砲位將山半碉卡盡力轟摧使之難以存身現在趕鑄大砲不無稍需時日至奎林駐扎山梁既難連兵下壓而河北官兵又阻前進不能渡河夾攻其山梁距當噶爾拉尚有十餘里遍山積雪齊腰無從覓

路據土兵稱天氣日就回暖稍見雪消即當出其
不意將去歲奎林所攻之納札木山梁先行政佔
直取克舟九寨則斯第博堵更可不煩兵力其言
似有所見現雖小有阻滯終當破險長驅現准阿
桂知會新調楚兵二千已令趕赴南路臣等軍營
添此生力軍以資調遣自更易於集事奏入

上諭軍機大臣曰明亮等籌辦攻取穆谷情形該處賊
卡既藉大砲轟摧自應上緊趕鑄著明亮即速督催

如式鑄造應用又據奏楚兵二千准阿桂知會已經
趕赴南路應用此項生力兵丁自應得濟若營中砲
已鑄成而庚額特一帶尚未能尅期進取莫若留明
亮照常攻打以綴賊勢而令富德統領新兵馳赴河
南與奎林并力合攻克舟九寨自當有益若將該處
攻克即可直至噶拉依其庚額特馬爾邦一帶之賊
將不攻自潰亦出奇制勝之一法著明亮即悉心籌

辦奏聞

同日桂林奏言臣接准文綬札稱換班人夫現據各屬具報陸續起程恐站遠期迫不能濟急除將打箭爐以內各站人夫先行抽調出口外復飭局墊項雇夫二千一百名指解章谷應用臣查就近抽調出口誠為濟急良策但恐口內站員恃該站人夫既經抽調出口輒將指解口外之夫於經過該站時照常截為抵補是口外徒增期滿思歸之人而口內轉藉此番抽調將新到期遠之夫置諸

不甚緊要之地於緩急輕重之道更形岐誤臣現
飭鹽道杜玉林嚴飭口內各員凡有指解口外人
夫趲行出口不得任意截留其口內暫抽應急之
夫俟口外更替人夫一到即將原夫撥回原站庶
口外人夫皆歸實用而班期亦不致混淆以杜藉
端脫逃之弊至章谷現存米石雖足數一月餘糧
但長運甚屬無多若不預為催趲將來雨水阻滯
不無缺乏臣已分飭總理司道將原派長運之糧

上緊飭屬趕運至南路換班人夫共需一萬一千八百餘名除已解到五百餘名外尚少一萬一千餘名雖據呈報起解已約有五千之數此時均未到站臣已疊次飛催以備改途安站之用

同日富勒渾郝碩奏言臣接奉

諭旨令駐大板昭一帶往來查辦但揪砥米石至今尚未到站而凱立葉軍糧尤關緊要今谷噶軍營現有存米一千餘石自應酌量變通不敢稍分畛域

臣郝碩隨於預備移營夫內暫撥二三百名在梭洛栢古兩路適中之所添設一站除每日核計谷噶軍營兵夫所需口糧足數支發外其餘米石盡數運往凱立葉用資協濟均奏入

上諭軍機大臣曰現在大兵分路進攻糧運最關緊要今桂林富勒渾所奏兩路糧運情形此時雖未至貽悞但內地米石人夫不能源源接濟設稍有遲緩所係非輕著傳諭文綬即飭屬上緊趕運至於人夫亦

務嚴催早到俾積貯充裕以利軍行庶不至臨期誤事奏

同日

上諭內閣曰前以廣東雷瓊鎮總兵缺出令李侍堯揀
選調補所遺員缺令海明補授該員在巡捕三營年
久於督率巡防之事素能實力辦理著賞銀二百兩
馳驛前往四川僧格宗軍營辦事

甲辰阿桂色布騰巴爾珠爾奏言查臣等軍營後
路自美諾以至喀爾薩爾所派兵數既較倍上年

駐兵之地亦較上年得勢而谷噶溝口及梭洛栢古一帶已派總兵富紳在彼專駐其前敵之牛廠等處路通梭洛栢古大板昭亦派官兵嚴守臣於了口進攻後處處籌畫留兵聲勢均為聯絡實不慮賊人覬覦且此時楸砥一路業已開通設站安夫不日即能集事則谷噶後路實在梭磨境內將來摺報往來即由此一帶行走梭磨在三雜谷中尤為恭順况楸砥一路既已設站安夫自可使其土

司畏威思効亦實可信無虞其明亮後路均於巴
旺布拉克底及明正土司境內行走臣復札知自
省由雅州打箭爐以至章谷較之自省由卧龍關
美諾以至章谷計程不過多二三站文報往來不
過遲半日此打箭爐一路原設馬臺並未裁去若
將摺報從此馳遞更可適行至臣熟察羅博瓦一
帶形勢必能繞壓直下一得格魯瓦覺則於凱立
葉下面山腿相距匪遙臣若得兵二三千人從凱

立葉山腿迤邐斜下前後夾攻亦能接豐昇額之
兵倘不能辦即當仰遵

聖諭令豐昇額酌派幹員在彼牽綴而自統兵六七千
名前來會攻勒烏圍更可成掃穴犁庭之勢但此
時豐昇額處正在合力夾攻自可毋庸移動奏入
上諭軍機大臣曰阿桂奏籌防後路一摺悉合機宜朕
於阿桂進兵後晝夜以此繫念今覽所奏各後路防
範俱能切實稍覺慰懷前諭令豐昇額以凱立葉不

能迅進莫若統兵至谷噶一帶為阿桂聲援繼因豐
昇額已得鄉導且覓有進兵之路復諭令豐昇額如
現有機可乘即不必另為移動今阿桂復以深入時
後路留防為計自當酌調豐昇額相助著阿桂與豐
昇額妥酌而行

同日阿桂色布騰巴爾珠爾奏言查楸砮一路實
為近捷是以臣等飭令查禮開修又令妥弁步行
前往看視據稱此路不過一百五六十里其中橫

嶺一道上下止有十餘里續又據查禮稟稱糧路業已開修人夫騾馬均可通行等語是此路轉運軍糧並無防碍且臣等所以亟於開修者不但程途較近實以經由帛噶爾角克布朗郭宗等處俱與賊境相近倘有夾壩站上怯懦兵夫易於搖惑亦屬非宜今改由楸砥則後路皆在梭磨境內一切均可無虞況此糧運較之從西路運供每米一石既可省銀五六兩則谷噶一路兵夫口糧即以

每月萬石計筭已省銀五萬有餘楸砥一日早開
更省一日虛糜之費奏入

上嘉之

同日常青奏言臣自去年十二月奉將軍阿桂分
派防守布朗郭宗一帶後路計由木波起至喀爾
薩爾止地方共十二處安兵共二千九百餘名遵
照單開要處分布官兵凡所駐卡地方俱係深溝
高壘週圍置木欄一道而木欄之外仍挖深溝以

防宵劫並於各處卡隘令其每日分兵會哨遊巡
惟查木波與噶魯什尼二處乃係昔嶺木果木出
來路徑臣派令四川遊擊福敏泰帶兵五百駐扎
木波另派四川遊擊保寧帶兵二百五十名駐扎
噶魯什尼所有兩處卡隘均各修理堅固約束無
虞又查美卧溝係通大板昭要路臣派令貴州守
備張啟貴帶兵三百名駐扎是處相距布朗郭宗
僅四五里現有副都統富興與臣帶兵七百名在

布朗郭宗駐札可以就近照應近經一月有餘各處安靜無事臣惟有益加稽察教戒斷不敢稍有疎曠奏入報

聞

丙午舒常奏言臣傳土舍綽爾甲木燦頭人溫布松乃等飭其覓途速進據稱現值春耕求寬限十餘日令土人回鄉趕種完畢即行商辦臣思春耕原係伊等一年之計隨准令回鄉并札知府盛英

就近曉諭茲復令盛英帶土舍頭人等於初十日來營面為曉示仍令訂期攻奪據伊等稱催調鄉民於八九日內調齊即行再辦奏入

上諭軍機大臣曰宜喜一路進取較難即令土兵覓間進攻原不過為牽綴之計此時以懇請種地為詞不可不俯順輿情俾之無妨耕作且須令該土司知覓間襲取之事原係聽土兵自効其誠並非欲專仗其力方為妥善舒常此時轉不必過急諸事惟相機而

行若聞阿桂豐昇額有攻克險隘進取勒烏圍之信
則宜喜一路賊必不能仍前守拒臨時即可酌量深
入合力攻取共成大功

同日

上諭軍機大臣曰站夫換班一節前此原屬權宜籌辦
不應竟成常例且此等人夫作何更換之法亦未明
悉或僱備兩班輪替更換則用夫萬名已須備夫二
萬而甫回復往仍不免僕僕為勞若派往一次不復

再往則僱覓之數更多以一偶用兵而累及全省民
力更屬不成事體該省現在作何辦理未據奏及著
文綬即行查明具奏但今各處官兵所向克捷可望
尅日奏功而站夫運糧係久經辦定章程此時難以
更改第須經理得宜或口外可以添僱蠻人男婦亦
可省內地站夫之力於事甚為有益著傳諭文綬即
行據實覆奏

庚戌明亮富德奏言本月初三日發兵攻克穆谷

以後庚額特山前山後四面拒守之賊愈聚愈多
雖遇黑夜猶防我兵掩襲是其據險死守實為無
隙可乘至奎林所佔山梁俯臨斯第博堵但自深
嘉卜以前沿河一面下插山腿碉卡聯絡復有隔
河放鎗相護現於十二日土兵乘夜前往將喀咱
普相連兩處山腿猝行搶佔連修木城三座以便
用大砲轟摧惟自深嘉卜盤旋而上六十餘里始
至山頂即分左右兩路山岡環抱四十餘里直至

臨河而斯第博堵寨落俱在兩山岡環抱中間賊人遇有下壓之路添砌多碉望如林立而碉旁護以木城賊人出沒無常若厚集兵力猶恐逐步下逼無如此數十里內並無取水地方必須盡一日之力悉行攻克始可下通水泉臣等與奎林往返札商現無制勝機宜是以未將河北官兵調往嗣據巴旺布拉克底頭人等稟稱從前計由此路進兵原係出其不意之計今被賊番知覺添人防備

此時攻打實為費手現須修葺礮卡將來官兵或
有移動土兵就可在礮內據守等語臣等查此一
帶山梁居高馭下實可以絕賊番由深嘉卜潛來
滋擾之事即未能進攻亦決難輕棄今土兵既願
自用其力築礮拒守即現在官兵借資捍衛亦屬
加嚴現在大礮業已鑄成指日可於庚額特對河
施放而土弁等亦俱令土兵四出哨探另覓間道
一有機會即當銳師直入奏入報

聞

平定兩金川方畧卷九十